

無錫文獻叢刊序

吾邑惠山，在縣西五里許，周四十餘里，高逾百丈，自古以來，山名不一，具載志乘，多不著，書其較著者，山有九峯，峯各有澗，澗各有隄，澗水細流，終歲不竭，以其狀如龍之蜿蜒起伏，俗稱龍山，然著書者多不取以爲名，或云昔有開山禪師西域僧慧照卓錫居此，又名慧山，慧與惠音同而義亦通，邑人俱稱惠山，故惠山之名最著，山之第一峯下白石塢，有惠山泉，味甘而冽，最宜瀹茗，唐陸羽品爲天下第二，元趙孟頫書額曰天下第二泉，又有惠山寺，創於劉宋景平元年癸亥，四週蒼松翠柏，花木扶疏，入門左右二坊，左曰聽松，右曰觀泉，寺內庵院十數處，梵音鐘聲，旦暮不絕，每當日暖花香之時，金風送爽之候，凡士大夫之遊於斯，觴詠於斯者，旣極視聽之娛，復盡騁懷之樂，遂多結廬於斯，壘石爲山，鑿池爲沼，深篁高柳，掩映樓臺，莫不依山爲鄰，傍泉與寺而築室其間，而惠山之夙以峯巒碧翠，澗壑幽邃，古蹟名勝，各擅奇境，馳名於宇內者，豈無故哉，顧歷經千數百年，世有治亂，興廢無常，所謂古蹟與名勝者，有如洛陽名園，存者益尠，舉凡昔賢之所經營，往哲之所棲止，不有載籍彙而錄之，則當年之流風餘韻，將何以流傳於不朽，於是好事者不忍勝蹟之湮沒而無聞於後世也，先是明

永樂間，梅隱院僧至廸撰「惠山志」，其書久佚，正德初，鄉先輩邵文莊寶點定惠山寺住持圓顯之「慧山記三卷」暨「慧山集六卷」，先後鐫板行世，繼則有萬曆中談明經脩所輯之「惠山古今考十卷，補遺一卷，附錄三卷」，談氏以書中備載自南北朝至明代有關惠山之詩文，頗有助於考證山中古蹟與名勝之沿革，隨於二十七年己亥付梓傳世。清康熙初，華文學淑著「惠山名勝志六卷」，未聞有藏書家及圖書館之藏書目錄著錄之者，恐已不存於世矣。

慨自政府播遷台灣，吾邑來台之同鄉先進諸君子，為謀敦睦鄉誼，有台北市無錫同鄉會之組織，重印鄉先輩之有關吾邑文獻之舊籍，暨編印近百年來有關吾邑文獻之著作，訂為會中工作重點之一，十數年來，已出版鄉先輩舊籍之「無錫文獻叢刊」六輯，今又將談明經脩之「惠山古今考」一書，列為文獻叢刊之第七輯，諸編輯委員以仲青忝為同鄉會理事長，囑為弁言於簡端，既不獲辭，遂書吾邑惠山之所以馳名於宇內，與夫談先輩之所以輯為「惠山古今考」者，略述梗概而序之。

台北市無錫同鄉會理事長王仲青謹識

中華民國七十五年十一月二十日

無錫文獻叢刊序

無錫，古爲荊蠻之區，自殷商時吳泰伯偕弟仲雍自陝遠遷太湖之濱，疏濬滄瀆河流，從事種稻養蠶，移風易俗，講信修睦，使荒蕪之地，成爲良好魚米之鄉。論語孔子曰：「泰伯其可謂至德也已矣。三以天下讓，民無得而稱焉。」司馬遷撰史記，列泰伯世家第一。因之，吳泰伯樹開鄉之基，其所居梅里聲名遠播，計以時日，約在中華民國紀元前三千一百五十年。

惠山，亦名慧山，上有九峯，下有九塢，俗稱九龍山。殷周間盛產錫鉛，爲青銅器時代冶金之要素。至秦末而錫殫，遂有無錫塘、無錫湖之名，漢高帝五年，始置無錫縣，計以時日，已在中華民國紀元前二千一百十三年。

兩千餘年來，無錫縣曾有六次變更。在漢時兩度列侯國。王莽篡位，錫山復現錫嶺，改縣名爲有錫，僅數年，錫竭，光武中興，復舊名。樵客於山下得銘云，有錫兵，天下爭，無錫寧，天下清。有錫沴，天下弊，無錫乂，天下濟。」

孫吳時置毗陵典農校尉，省無錫縣。晉武帝元年復置。嗣後千餘載，物阜民殷，人文鼎盛。元成宗元貞元年，無錫升爲州，僅七十四年，至明洪武二年，仍復縣名。清世

宗雍正四年分東境置金匱縣，民國成立而合併。凡茲沿革，載在史籍，故鄉父老師長，閒話家常，亦耳熟能詳也。

慨自中原板蕩，鄉人避秦來台者，已經歷三十餘年，成家立業，螽斯衍慶，莘莘學子專心於研習科技，對於故鄉史實，已難稽考。旅台無錫同鄉會成立後，一方聯絡同鄉情誼，發揚互助精神；同時着手輯錄故鄉典籍，表彰潛德幽光。先於五十七年影印清光緒版「無錫金匱縣志」，樹立縱的形象。繼於六十六年編纂「山明水秀的無錫」，羅列橫的景色。此外，搜集有關著述，編印「無錫文獻叢刊」，陸續影印出版者如下：

輯次	書名	出版時期
一	錫金識小錄	六十一年四月
二	錫金志外、西神叢話	六十五年三月
三	慧山記三種 錫山攬袂集	六十八年二月
四	梅里志、泰伯梅里志	七十年二月
五	錫金考乘、開化鄉志	七十一年一月
六	錫山景物略	七十二年二月

以上各書，對於故鄉地理之考證，風習之流傳，與夫人事之遺聞逸史，追本溯源，尋根究柢，均有詳盡之記載，稍加涉獵，可使僑居台、澎、金、馬以及海外鄉人，了解桑梓今昔之變遷，明瞭先哲先賢之豐功偉績，而於復興中華文化運動，不無貢獻也。

台北市無錫同鄉會理事長吳子聲謹識

七十二年二月一日

無錫文獻叢刊第九輯（無錫文獻徵存錄三編、四編）

無錫文獻叢刊序

吾邑——無錫。古之荆蠻地也。自吳太伯端委開基。奄有茲域。肇啟文明。號曰句吳。然諸夏攢之。比於夷狄。傳十九世。延陵季子。實誕斯土。閱覽博物。風流滋始。秦漢置縣。夙稱壯邑。山川秀麗。景色優美。顧史傳人物。自秦迄唐。寂少聞焉。北宋以降。人多大雅。經明行修。咸擅著述。蓋自將樂楊龜山先生受業於伊洛二程夫子之門。載道南還。止於吾邑之東林。日與諸生講學論道者一十八年。於是吾邑始有程氏之學。此道南一脈之所自昉也。其後尤袤爲龜山再傳弟子。稱南宋四家之一。越三百年。當明代成化年間。邵寶學宗龜山。以東林二字榜其城南之授業館舍。纂程子定性書說。直探本原。能集諸賢之大成。綜其撰著。粹然一出於正。又一百年。顧憲成、高攀龍繼之。就龜山講學原址。規復東林書院。相與傳道授業。並於講習之餘。日與三數同志。諷議時政。幾與朝局相終始。海內翕然宗之。憲成學主小心。故能立身剛方。持論醇正。攀龍學主格物。諫邪妄。劾奸壬。文境清遒。詩意沖澹。其流風餘韻。亘清末而不衰。

清代襲明舊制。以科舉取士。爲士子進升之階。而館選有天子門生之稱。尤爲士子所爭

取，藉以光耀門楣。吾邑科名之盛。無過於秦、嵇、華、周四姓。秦氏四世

松齡子道然。孫蕙田。曾孫秦鈞

詞林。人皆謂孝友傳家之徵。松齡更以博學弘儒供職史館。其孫蕙田以探花上第。官至大司

寇。嵇氏三世

曾筠子璫。孫承謙。

詞林。曾筠與子璫以忠節之後。父子大拜。華氏以行義著。累代科

名不絕。周氏亦孝友之後。在康熙、雍正、乾隆三朝。有祖孫、父子、叔侄、兄弟、翰林、

進士、舉人之家之稱。夙爲邑人所艷羨。其時世家子弟。率皆肆力於應試文字。咸能沉潛經

傳。研考史籍。或守家學而有所發明。或稟師承而自出機杼。隨手抄摘。積久成帙。經術則

有顧棟高之春秋大事表與毛詩類釋。蔡德晉之禮經本義。秦蕙田之五禮通考。史地則顧祖禹

之讀史方輿紀要。研史而兼貫地理。尤爲前古所未有之創作。皆煌煌鉅製。炳乎盛矣。文學

則康熙間之嚴繩孫、秦松齡、顧貞觀。並以工爲詩詞稱三名家。而貞觀之彈指詞。與迦陵、

竹垞號倚聲三傑。乾隆、嘉慶間。秦瀛官京師。與桐城諸子遊。時而上下其議論。後之張岳

駿、侯楨暨瀛子綰業。同問業上元梅曾亮之門。所爲古文。並占桐城文派之一席。與秦瀛同

時之顧敏恒、楊芳燦暨其弟揆之駢體文。亦嘗抗衡時彥。比肩齊驅。泊乎晚清。有若薛福成

、許珏之洋務。徐氏父子、壽子建寅之化學汽機。華氏兄弟衡芳之數理格致。楊模、侯鴻鑑、

顧倬之倡導興學。以及薛氏、楊氏、榮氏、唐氏之振興實業。是又另闢蹊徑。爲於舉世不爲之日。蓋能遠紹吳太伯開疆闢土、誅茅刈草之毅力。近承東林顧、高真知實踐、學以致用之遺緒。有以致之。至其聲教所被。幾洋溢乎全國。所以轉移風氣者。奚止一鄉一邑而已哉。

古代三老五更。以年齒賜爵祿。後世衰微。其制寢廢。敬老尊賢。耆舊尙矣。書有之。

洪範五福。第一曰壽。高年碩望。自足表式閭閻。明成化、弘治間。秦旭年八十五。與同志九人。結吟社於慧山第一峯下。每月擇日觴詠其中。十人者。或以高年稱宿望。或以碩德著士林。號碧山十老。清乾隆十六年辛未。高宗南巡。幸寄暢園。園爲秦氏別業。秦孝然年九十。率弟侄輩之年在六十以上者八人。迎駕園前。高宗賜詩有近族九人年六百、耆英高會勝香山之句。稱寄暢九老。後二十年。鄒一桂年八十六。張泰開年八十三。俱以禮部尙書予告林下。數與群從之年逾七十者七人。作西神二泉之遊。茗邊酒後。偶而伸楮揮毫。間亦對景嘯歌。好事者繪龍峯九老圖以紀其盛。近代則有民國二十二年癸酉。爲楊志瀛重屆鹿鳴之年。闔邑庠彥。仿古鄉飲酒禮。譙集公園之嘉會堂。主賓年八十二。領袖群倫。與同席之八人

。攝影留念。署曰梁溪九老。復建九老閣。事詳碑紀。夫黃髮遺耄。類以厚德懿行。著於鄉里。不獨尙年尊齒而已。吾人生百世下。緬懷往昔。雖無老成人。猶有典型。其是之謂歟。文獻之傳。厥爲典籍。典籍不存。文獻無徵。宣聖所以有不足之嘆也。吾邑縣志。昉於宋代。尤袤遂初堂書目著錄之。曰無錫志。其書久佚。元志爲無錫州志。四庫著錄。誤稱縣志。明代三修。景泰志曰錫山新志。弘治志曰錫山續志。萬曆志曰無錫縣志。清代凡五修。康熙志亦曰無錫縣志。乾隆志仍沿舊稱。其時已析置金匱。兩縣同城分治。實爲兩縣之合志。嘉慶志正名曰無錫金匱縣志。道光志稱續志。光緒志承嘉慶、道光兩志而增刪之。亦曰無錫金匱縣志。明清八次纂修。皆出自邑中耆碩宿望彙集諸家襟著。城鄉採訪而成。發凡起例。自有別裁。或詳人之所略。或棄人之所取。何者寧缺。何者應存。蓋亦有難言者焉。故弘治志續修初定。顧起經編勾吳佚典。萬曆志綴輯稿成。尤鏜著人物志補遺。孫秉禾著邑志辨訛。黃廣著錫山史逸。康熙志重纂甫竣。有顧貞觀之邑志補訂。王抱承之開化鄉志。黃蛟起之西神叢語。乾隆志墨瀋猶新。華玉淳撰邑志拾遺。黃印撰錫金識小錄。嘉慶志事增文損。錢泳、安念祖合作錫山補志。道光志板工方蒧。周有壬之錫金考乘。華湛恩之錫金志外。相

繼行世。光緒志後。諸家著述。名目繁多。咸以所見所聞。分類編著爲專門之一種，以備後之修邑志者之採擇。不具錄。夫志爲史裁，薈萃一方之事。其於正史。蓋具體而微也。操筆者或以囿於涉獵。致有疎略。或因寡於識斷。遂多抵牾。間有瑕疵。自所不免。雖馬遷之善敘事理。班氏譏其是非。歐公之蓄德能文。吳縝糾其謬誤。況等而下之者乎。辨訛、補訂諸編。究以意近吹求。其書終於不存。至自草創以迄成稿。徵材之餘。必有所遺。闕入於志。或者擬於不倫。棄之不顧。奚忍聽其湮沒。於是有效爲稗官野乘之流。輯爲叢語、識小等錄。所謂網羅放失，表彰潛隱。亦猶經之有別解。史之有外編。與邑志相輔相成。互爲表裏者也。故其書多有傳於後世者矣。

本會文獻管理會諸委員。以影印梅里志與泰伯梅里志爲文獻叢刊之第四輯。既畢事。問序於余。余不敏。辭不獲。爰縷述吾邑之學術源流。暨文獻與典籍之傳。謹爲旅台同鄉父老告焉。

台北市無錫同鄉會理事長謝立章序

中華民國七十年一月一日

無錫文獻叢刊序

本會前爲響應

總統蔣公復興中華文化之號召。曾於民國五十七年重印「無錫縣志」千部。以廣我中華正統文化之流傳。期勉邑人砥礪名節。效法先賢。立不朽之業。竟中興之功。刊行未及一載。承海內外同鄉、國內外大專院校、研究所等相繼購、贈無餘。對宏揚中華文化。粗具意義。

吾邑自吳泰伯蒞鄉開基。漸成禮義之邦。代有賢哲。獻替良多。文獻之盛。甲於天下。

孔子曰：「夏禮吾能言之。杞不足徵也。殷禮吾能言之。宋不足徵也。文獻不足故也。足則吾能徵之矣。」所謂文。指典籍而言。所謂獻。朱子集解引鄭云：「獻，猶賢也。」爾雅釋賢云：「獻。聖也。」是以吾邑之典籍與先賢之巨著。世人稱之爲「文獻」。不爲虛也。

各國學者、專家、學術研究機構。對「無錫文獻」極爲重視。用以研究我中華文化博大精深之所在。惟我邑人及研究「無錫文獻」者。苦無完整書刊。本會有鑒於此。爰分向國內外蒐集資料。耗時三稔。始告齊全。並經有系統之輯爲「無錫文獻叢刊」。以三十二開本用

上等模造紙精印精製。分輯刊行。於每輯序文後簡介書目敘錄。俾讀者瞭解其全貌。益爲復興中華文化勉盡微勞。

資料之來源。蒙中央研究院王秘書志維先生、圖書館監館長乾章先生等協助。將西神叢語一卷、錫金識小錄十二卷、慧山記四卷、惠山古今考十卷暨補遺一卷、錫山景物略十卷等珍本攝成照片。並予技術上之方便。復承故宮博物院將錫金考乘十四卷珍本複印。又蒙旅日教授李廸揚先生代向京都大學人文科學研究所洽請複印錫金志外五卷珍本。嗣以中央研究院珍藏之惠山古今考尙欠完整。經商請美國國會圖書館東方部中韓圖書組將完整之珍藏本複印寄來。各方關愛賜助。至爲感激。敬此致謝。

本刊之輯行。承史學家錢穆鄉長鑑定。編輯委員嚴希傑、許師愼、楊保和、沈映冬、劉公正等諸鄉長審慎從事。倍見辛勞。劬助甚多。併誌謝忱。

謹書大意。是以爲序。

臺北市無錫同鄉會理事長陳仲良 謹識

中華民國六十年四月一日

無錫文獻叢刊第九輯書目敘錄

(一) 無錫文獻徵存錄三編八卷 (邑人楊保和編輯)

三編八卷，著錄文一百一十一篇，附錄七篇，都一百一十八編，皆爲鄉先輩有關吾邑近百年來文獻之著作，其中屬於裘可桴先生之著作凡六十三篇，諸家之著作五十五篇，後附引用書目及作者簡歷。

丁仲祐先生福保撰「可桴裘先生家傳」之言曰：「在國族大變革之會，必有一二先知先覺之士，奮其筆舌，大聲疾呼，以爲天下倡」。蓋裘先生鑒於前清光緒二十年甲午中日之戰，我國以割地賠款謀和，喪權辱國，莫此爲甚，認爲救時之要圖，莫過於文字革命，我國自古以來之載籍，號稱四部之經史子集，其文字之艱澀，祇有少數具有高度智慧者所能暢曉，絕大多數之庶民，皆坐困於無法了解，如仍墨守艱澀難知之文字而不予變革，縱其文字含有良法美意，但衆庶俱瞠目不知，渾然無所曉也，因集邑中諸學人首創白話報，以闡揚新學，灌輸新知，雖歷時甚促，然吾邑知識份子努力於求新之風尚，實始基於此。

裘先生於前清光緒十一年乙酉鄉試中式舉人後，兩試禮部不第，遂絕意進趨。默察當時國家之內憂外患，非垂空文足以有裨於時，乃轉而致力於西學，認為「非行西政，必不能活吾民」，又以我國教育不普及之所由，「一由學究教法不善，一由中國文義太深」，並謂「學究不善，當大變教法，茲不具論，文義太深則設法淺之而可矣」，先生舉「日本詩歌詞賦之類，喜用漢文，譯報純用和文，泰西農工商礦諸學之書，日本譯印略備，其書愈切於民用者，和文愈多，漢文愈少，務令易曉而已，是以變法不數載，民智大開」之例，故主張「設法淺之」，必先改革文字，改革之法，並非另創新字，而是改良行文之法，因另創新字，非假政府通令施行，不易奏效，至改良行文之法，祇須將文言文改為人人易曉之白話文。其時正值我國朝野深受甲午戰敗之刺激，痛定思痛，全國上下均極熱衷於變法，思想較為進步之知識人士，咸以開啓民智，惟有從普設學校與出版報章之途開始，而先生則主張推行白話文與出版報章必須同時進行，謂「民智大啓，必自廣興學校始，不得已而求其次，必自閱報始，報安能人人而閱之，必自白話報始」，於是在二十三年丁酉歲暮，先囑其再姪女梅侶將「格致啓蒙」譯成白話文，又命侄孫劍岑將「地球養民關係」亦譯為白話文，各方反應，咸予好